



Bájkkeavijssa NuorttaSálto

Oabme muora vaddi á dá máhtudagáv

Tæksta: Kitty Skapalen
Járggálibme:
Divte Media AS/Adrian N. Mikkelsen

■ Nielljatuode jage vuoras muorajn li subtsasa. Bárkkoháve oabme biehtsemuorajn bihkusi sáme árbbedábev gá ávkástallin guolmmasav ájnas biebbmolasádussan.

- Dát le riek suohtas, subtsas seniordutke Oddmund Andersen gávnadusáj birra, ma li dálátijj árron dábdámáhtes. Luonosvákken Sálattuomen le Árran aktisattjat barggam Nesna allaskávlán, ja Norsk institutt for skog og landskapajn. Gávnnam li badjelasj tjuohte muora merkaj bárkkimis, ma li bárkkiduvvam ruoptus gitta 1700-jagijda. Dutke diehti gudi ja manen sij gudi Sálattuomen árrun 1700-jagij sinna muorajt bárkkijin. Máttabárrajn mærosti makkir jagen bárkko le gádoduvvam.

- Biehtsen li állo c-vitamijna, ja lij ájnas biebbmolasádus, duola dagu gálgáttatjit skihpudagás skjørbuk. Sáme rággáj tjoaggin guolmmasav ja dan badjel dállijin. Dan láhkáj de guolmmusa guosmoduvváj. Dassta máhttin vijdábut járáldit jáffoj ja segadit rejnamielkijn juokkirik ráktsaj, subtsas Andersen.

Hábmerin ja Divtasvuonan li moadda muora ma li bárkoduvvam dán láhkáj, valla ælla ájn dajt guoradallam.

- Vuojnnám lev moadda dákkir muorajt sihke váren ja bájkálasj vádtsembálggájn Hábmerin ja Divtasvuonan. Vuojnnám lip muorajt, valla ep la rat dádjadam ma lidjin ja ep le dábdám dajt merkaj. Midjij lij állu amás, subtsas Andersen, gut gáhttju várrevádtisjt kámerajn ja GPSajn diededit jus vuojnni dáj oabme, valla lassjes biehtsemuorajt.

Tjiegadum máhtudahka

Vuosstebielen sámijda, ládde bárkkij divna muorav jali lággij muorajt, valla sáme válldin dássju guolmmasav. Danen de nielljatuode jage vuoras muora ietjas subtsasav uddni subtsasti.

- Vuostasjamanuensis Jostein Lorås Nesna allaskávlán nrk.noaj subtsas akta vihke manen dát máhtudahka le tjiegadam le soajttá dan diehti gá bárkkotjoahkkim lij hæjosvuohatj tjanádum.

- Ep rat majdik diede dán birra, dan diehti gá uddni ij la árbbedáhpe tjanádum bárko adnuj. Ij la aktak gut máhttá dán birra subtsastit. Láttij kultuvran le



Bárkkomuora: nielljatuode jage vuoras muora ja vilá sjabes biehtsemuora.
Skog og landskap: Fire hundre år gamle og fortsatt friske furutrær.
Gávvá/Foto: Ken Olaf Storaunet, Skog og landskap

bárkkolájbbe hæjosvuohatj tjanádum, javlla Andersen.

Bárkko le mælggadav sáme kultuvran aneduvvam. Bihtámsámegiella guovlon li bárkkummerka muoran ma li 2800 jage vuoras.

- Danen dáhkki dássju várodit bárkko sáme árbbedáhpáj gullu. Sæmmiláhkáj gá moadda ietjá ressursa ma li luondon ájgij milta tjuohpaduvvam. Ietjá arktalasj álgoálmuga lij aj bárkov ávkástallam. Luonosvákken le mañemus bárkkim tjáledum jahkáj 1888, ja vuojnunagi dan mañela vuohke gádoj. Ietjá váksjuma li

dagáduvvam Lávggobadán ja Svierigin, subtsas Andersen, gen mielas le riek suohtas vásstádusáv gávnnat.

- Ávdebut bæggalin eldagisáv, valla dálla le gávnadum siján gudi bárkkijin lij stuorra máhtudahka muorra birra ja suodjalin muorav gá dássju guolmmasav válldin avta bieles muoras, subtsas Andersen, ja jáhkka várrevádtse máhtti muossádimev oadtjot.

Etnologa ja rádevadde Árranin, Lis Mari Hjortfors le oassálasstám prosjevtan, mij la jádeduvvam vuostasjamanuensis Nesna allaskávlán Jostein Loråsas.



Suohtas gávnadus. Seniordutke Árranin, Oddmund Andersen mielas li bárkkog-ávnadusáj riek miellagiddis ja gáhttju várrevádtisjt Hábmerin ja Divtasvuonan gæhttjat jus vuojnni muodugasj oabme bietsijt, ma ádá máhtudagáv tjiehi.

Artig funn. Seniorforsker ved Árran, Oddmund Andersen synes barkefunnene er svært interessante og oppfordrer turgåere i Hamarøy og Tysfjord om å være på utkikk etter lignende gamle furuer, som skjuler ny kunnskap.